

ጳውሎስ ቆላሲያሳ ኣሳው ፃፊዳ ኪታ ጌሉዋ

ጳውሎስ ቆላሲያሳ ኣሳሲ ፃፊዳ ኪታይ ፃፊቲዳዊ፣ ኤፌሶኔ ኣሳው ፃፊቲዳ ኪታና ኢቲ ዎዲያና ማላቲ። ሄዌካ ቄሪ ኢሲያን፣ ኤፌሶኔፔ ኣዋይ ዶሊያ ባጋና ቤቲያ ቆላሲያሳን ዴዲያ ኣማኒያ ኣሳቱዋሳ ጊዲዳ ላዑዋ ጊደን ዴዲያ ዲማቲላይ፣ ቆላሲያሳ ኣሳው ፃፊቲዳ ኪታይ ኪሪሰቶሲ ሜዴታ ኡባሲ ሁጹ ጊዲያዋ ቤሲያ ዎዴ ኤፌሶና ኣሳሲ ፃፊቲዳ ኪታይ ቃሲ ኪሪሰቶሲ ዋሳ ጎሌው ሁጹ ጊዲያዋ ቤሴ። ሃ ኣሳቱዋሲ ቃላ ማርካቲዳዊ ጳውሎሳ ጊደና ጳዮፔካ፣ ሮሜ ጋዲያን፣ ኢሲያ ዋና ካታማ ጊዲያ ኤፌሶኔፔ ኡንቱንቱሲ ኦሊያ ኣሳቱዋ ኪቲያዊ ኣ ጊዲያ ዲራው፣ ቆላሲያሳውካ ኣዋቲያ ሃናታይ ኣው ዴዴ። ቆላሲያሳ ኣማኒያዋንቱ ጊደን፣ «ፆሳ ኤራናውኔ ኩሜንሳ ኣቶቲላ ዴማናው፣ ኣሳይ ኡባይ ኣያና ዎልቃቱዋሲኔ ማታይ ዴዲያዋንቱሲ ጎዴናው ኮሺ» ያጊያ ዎርዶ ኣስታማራቲ ዴዲያዋ ጳውሎስ ሲሴዳ። ሃ ኣስታማራቲ ሃራባ ቃሲ፣ «ኣሳይ ኡባይካ ቃፃራ ማላቲያ ዎጋቱዋሲ ዎዴታናውኔ ቁማ ዎጋኔ ሃራ ዎጋቱዋ ኡባ ናጋናው ኮሺ» ያጊና።

ጳውሎስ ሃ ኪታ ፃፊዳዊ ቱማንቻ ጊዲያ ኪሪሰቲና ኪታ ኦዲያዋን፣ ኡንቱንቱ ዎርዶ ቲሚርቲያ ጳልቃናሳ። ኢ ዛሬዳ ዛሩዋፔ ዋናቲያዊ «ዩሱሲ ኪሪሰቶሲ ኩሜንሳ ኣቶቲላ ኢማናው ዲንዳዬ፤ ሃ ሃራ ኣማናቲኔ ኦሳቱ ኣፔ ሃሳናው ዲንዳዬና» ያጊያዋ። ፆሳይ ኪሪሰቶሳ ባጋና ሃ ኣላሚያ ሜዴዳ። ቃሲ ኣ ባጋና ዛሪዴ ኣ ባሪኮ ኣሃና። ሃ ኣላሚያሲ ኪሪሰቶሳ ዎዛናፔ ኣማኒያዋ ዓላላን ኣቶቲላ ሂደታይ ዴዴ። ሃዎ ማራን ጳውሎስ ሃ ዎልቃማ ቲሚርቲ ኣማኒያ ኣሳ ዴዑዋን ዋኒዴ ኦሱዋን ፔሻናው ዲንዳዬንቶ ኦዴ።

ሃ ኪታ ጳውሎሳፔ ኣኪዴ፣ ቆላሲያሳ ጋላናው ኪቲቲዳ ቲኪቆሳና ኢቲፔ ቤዳዊ ኣናሲዋሳ ጊዲያዋ ቤዲያዊ ጎዲያዋ። ዋኒዴ ጎፔ፣ ጳውሎስ ሃ ኣናሲዋሳ ጌቲቲያ ባሪ ኣሳንቻባ ዴንሳዴ፣ ፒሊዎናው ሃራ ኪታ ፃፊዳ።

ሼዎፓቱዋ ኡባቱዋሲ ኢሜቲዳ ቃንሳ ቆፋቱዋ

ጌሉዋ (1:1-8)

ኪሪሰቶሳ ኤሻኔ ኦሱዋ (1:9-2:19)

ዩሱሳን ቤተያዕ ኦሪግኖ ዳዕብ (2:20-4:6)
ወርሴላ ቁቴያ (4:7-18)

1 ታኒ ጳውሎሲ፡ ያሳ ሸኒያን ኪሪሰቶሲ ዩሱሲ ከቴዳዎ ጊዳዳዌኔ ኑ ኢሻይ ዓሞቶሲ፡ 2 ቆላሲያሳ ጊያ ካታማን ዳዒያ ያሳ ናናቶ፡ ኪሪሰቶሳን ኣማኔቴዳ ኢሻቶ ሃ ዳቢዳቢያ ፃፊቶ።

ያሳ ኑ ኣወዋጅኔ ጎዳ ዩሱሲ ኪሪሰቶሳጅ፡ ኣቶ ከካቴላዪኔ ሳርቴላይ ሂንቴንቶ ጊዶ።

ጳውሎሲ ዎሴዳ ጋላታ ዎሳ

3 ኑኒ ሂንቴንቶ ዎሲዳ፡ ኑ ጎዳ ዩሱሲ ኪሪሰቶሳ ኣወዋ፡ ያሳ ኡባ ዎዴ ጋላቲቶ። 4 ኣዪሲ ጎጅ፡ ኑኒ ኪሪሰቶሲ ዩሱሳ ሂንቴንቲ ኣማኒያዎኔ ያሳ ኣሳቲዎ ኡባ ሲቁያዎ ሲሴዶ። 5 ቱሙ ከታይ ዎንጋላይ ኮዪር ሂንቴኮ ዩዳ ዎዴ፡ ያሳይ ሲንላፔ ኢማና ጌዳዎ ሲሴዲታ። ሲሚ ሂንቴንቲ ኣማኔኔ ሲቁ ሳሉዎን ገጊዴ ናጊያ፡ ያሳይ ሲንላፔ ኢማና ጌዳዎን ደሚቴዳ። 6 ሄ ዎንጌሊ ሂንቴኮ ጋከዳ፤ ሂንቴንቲ ኣ ሲሶዴፔኔ ያሳ ኣቶ ከካቴላ ቱማቴላን ኤርዴፔ ደሚዳ፡ ሂንቴንቲ ጊዶን ዳዒያዎዳንካ፡ ቢታ ኡባን ኣንጂዎ ኣሄኔ ኡባሳ ኣከ።

7 ሂንቴንቲ ሄዎ ኑናና ኢቲፔ ቆማ ጊዳዳ ሲቆ ኤፓፊራፔ ታማሪዲታ፤ ኢ ኑ ዲራው ኪሪሰቶሳው ኣማኔቴዳ ኦሲያዌ፡ 8 ያሳ ኣያናን ሃራቱዎ ሂንቴንቲ ሲቁያዎ ኑሲ ኦዴዳ።

9 ሄዎ ዲራው፡ ኑኒ ቃሲ ሄዎ ሲሴዳ ጋላሳፔ ደሚዳ፡ ያሳይ ሂንቴንቶ ባሬ ሸኒያ ኤሪያ ኤራቴላ፡ ያሳ ኣያናይ ኢሚያ ኣቋዳ ኤራቴላናኔ ኣከካና ኢቲፔ ኩንሴዴ ኢማናዳን፡ ኡባ ዎዴ ባሌናን ያሳ ዎሴቶ። 10 ሄዎፔ ጉዪያን፡ ጎዳይ ኮዪያዎዳን ሂንቴንቲ ደዓናወኔ፡ ኡባ ዎዴ ኣ ናሼቲያባ ኦላናው ዳንዳያና፤ ሂንቴንቲ ኦሲያ ሎዎ ኦሱዎ ኡባን ሂንቴንቲ ዳዕ ጎዓና ዳዒያዎ ጊዳናዎ፤ ቃሲ ያሳ ኤሪያዎን ዲጪ ዲጪ ባኒታ።

11 ሂንቴንቲ ኡባባኒ ናሼቻን ጌንጫናዳኒኔ ዳንዳያናዳን፡ ያሳይ ባሬ ቦንቹዎ ጌታቴላዳን ኢሚያ ዎልቃ ኡባን ሚኒቲ። 12 ቃሲ ያሳ ናናቶ ጊጌዳ ፖዎ ካወቲላ ላታናው፡ ኑና ዳንዳዪሴዳ ያሳ ኣወዋ ጋላቲቲ። 13 ኢ ኑና ቋማ ዎልቃፔ ኣሺዴ፡ ባሬ ሲቁያ ናዓ ካወቲላኮ ፒንሴዳ። 14 ቃሲ ኢ ባሬ ናዓን ኑና ዎዚዳ፡ ኑ ናጋራ ኣቶ ጌዳ።

ኪሪሰቶሳ ያሳቴላኔ ኣ ኦሱዎ

15 ኪሪሰቶሲ ቤቴና ያሳ ቆንጪሲያዎ፤ ኢ ሜዴቴዳዎ ኡባፔ ኣቋያ ባይራ ናዓ። 16 ኣዪሲ ጎጅ፡ ኡባባይካ ኣኒ ሜዴቴዳ፤

ቤተናዋንቱ፣ ቤተናዋንቱ፣ ኣፃናቱዋፕ ቤተና ዋልቃይኔ ጎዳቲላይ፣ ቋቃቲላይኔ ማታይ፣ ሳሉዋኒኔ ሳዓን ዴዒያ ኡባባይካ ኣኒኔ ኣው ማዴቲዳ። 17 ኢ ኡባባፕ ካሴ ዴዒዳ፤ ኡባባይካ ኣኒ ባሬ ሳዓ ሳዓ ኦይቂዴ ዴዒ። 18 ኢ ባሬ ሁጹው፣ ዋሳ ጎሌው ሁጹኔ ዴዩ፤ ኢ ኡባፕ ቦላ ጊዳና ማላ፣ ካሴቲዴ ሃዩቁዋፕ ዴንዴዳ ባዩራ ናዓ ጊዴዳ።

19 ኣዩሲ ጎፔ፣ ያሳይ ኮዬዳዋዳን፣ ኣኒ ያሳቲላ ኩሚንሳይ ዴዒ። 20 ያቲና ያሳይ ኪሪሰቶሳ ባጋና ኡባባ ባሬናና ሲጌላናው ዬወዋ ቃቹዳ፤ ባሬ ናዓይ ማሰቃሊያ ቦላን ጉሴዳ ሱላን ሳሉዋኒኔ ሳዓን ዴዒያ ኡባባ ባሬናና ሲጌላዳ።

21 ሃዋፕ ካሴ፣ ሂንቲንቲ ኢታባ ቆፔዳ ዲራውኔ ኦሌዳ ዲራው፣ ያሳፕ ቫኬቲዴ፣ ኣናና ሞርኬቲዲታ። 22 ሺን ያሳይ ሃዒ ሂንቲንታ ፖኮባይ ባዩናዋንታኔ ቃሲ ጌሻቲዋ ኦሊዴ፣ ባሬ ሲንላ ሺሻናው፣ ባሬ ናዓ ሃዩቁዳዋ ኣሳቲላን ባሬናና ሂንቲንታ ሲጌላዳ። 23 ሄዌ ሂንቲንቲ ቱው ኣማኑዋን ሚኒ ኤቂዴ፣ ሚሺራቹዋ ቃላ ሲሲዴ፣ ሲንላፕ ኣካና ጌዳዋፕ ቃጸናን ሚኒዴ ዴዖፕ ሃናና፤ ሄ ዋንጋላ ሚሺራቹ ሳዓን ዴዒያ ማዴታ ኡባ ማታን ኦዴቲዳ። ታኒ ጳዉሎሲካ ሚሺራቹዋ ቃላ ኦዲያዋ ጊዳዲ።

ጳዉሎሲ ዬሱሲ ኪቲዳዋ ጊዲዴ ኦሌዳ ኦሱዋ

24 ታኒ ሂንቲንቶ ዋዬቲዳ ዲራው፣ ሃዒ ናሺታይ፤ ኪሪሰቶሲ ባሬ ሁጹው፣ ሄዋ ጊያዌ ዋሳ ጎሌው፣ ዋዬቲሺን ፓጩዳዋ ታኒ ታ ቦላ ሳኩዋን ኩንላይ። 25 ያሳይ ታና ሂንቲንታ ማዲያዋኔ ኣ ቃላ ፖላዴ ኦዲያ ኣሺካሬቲላ ኪታ ታው ኢሚዳ። 26 ሃ ቃላይ ሃዋፕ ካሴ ባጋ ኡባን፣ ኣሳ ኡባው ኤሬቲናን ጌሚዴ ዴዒ፤ ሺን ባሬና ኣማኒያዋንቶ ያሳይ ሃዒ ቆንጨሲዴ። 27 ያሳይ ኣዩሁዳ ጊዴና ኣሳው ዋሌዳ ሃ ኣሳው ቆንጨሲና ቦንቹዋኔ ዲሬ ዬወ ኣዬንቶ ጌሻቲዋ ኤሪሳናው ኮዬዳ፤ ሃ ኣሳው ሃዒ ቆንጨዳዌ ኣዬ ጎፔ፣ ኪሪሰቶሲ ሂንቲንቲን ዴዒያዋ፤ ሄዋ ጊያዌ ያሳ ቦንቹዋ ኣናና ሂንቲንቲ ኣካናዋ።

28 ሄዋ ዲራው፣ ኦኒ ኣሳ ኡባው ኪሪሰቶሳዋ ኦዴቶ፤ ኣሳ ኡባ ኪሪሰቶሳን ኩሚንላ ኣሳ ኦሊዴ፣ ያሳኮ ሺሻና ማላ፣ ኦሲ ኣዴዳ ኤራቲላ ኡባን ሂንቲንታ ሴሬቶኔ ታማሪሴቶ። 29 ታኒ ሃዋ ፖላናው፣ ታናን ኦሊያ ኪሪሰቶሲ ታው ኢሚያ ዋልቃን ባጻታይኔ ዳቡራይ።

2

1 ታኒ ሂንቴንቱኔ ሎዶቂያ ጊያ ካታማን ደዒያ አሳቶኔ ቃሲ ታና ቤዒቤና አማኒያዋንቶ ኡባቶ አይ ኬና ባዳታዲታንቶ ሂንቴንቱ ኤራና ማላ ኮያይ። 2 ኡንቴንቱ ዋዛናይ ሚናና ማላ፡ ሲቁዋን ኢቲፔ ጊዲዳ፡ ቱሙ አከካን ቤቲያ ዲሬቴላ ኡባ ኡንቴንቱ አካና ማላኔ ቃሲ ኡንቴንቱ ያሳይ አሳው ቆንጨሲቤናዋ፡ ኪሪሰቶሳ አ ሁጵው ኤራና ማላ፡ ታኒ ዳቡራይ። 3 ጌማን ያሳይ ሚንጃዳ ኤራይኔ አጆዳ ኤራቴላይ ኡባይ አኒ ዳዔ።

4 ኦኒኔ ሂንቴንታ ጨሚያ ቃላን ባሌጮና ማላ፡ ታኒ ሂንቴንታ ሃሳዪሳይ። 5 አዪሲ ጎፔ፡ ታኒ ሂንቴንቱ ማታፔ ሃካዴ ደያፔካ፡ አያናን ሂንቴንቱና ዳዓይ፤ ሂንቴንቱ ዳዓይ ማራኔ ኪሪሰቶሳ ሂንቴንቱ ሚኒዴ አማኒያዋ ቤዓዴ ናሹታይ።

ኪሪሰቶሳን ቤቲያ ኩሜንላ ደዑዋ

6 ሲሚ ሂንቴንቱ ጎዳ ኪሪሰቶሲ ዬሱሳ አኩዳዋዳን፡ አኒ ደዒቴ። 7 አኒ ዓጶዋ ዬዲዴ ዲጨቴ፤ ሂንቴንቱ ታማራዳዋዳን አማኑዋን ሚኒቴ፤ ያሳ ኡባ ዋዴ ጋላቲቴ።

8 ኪሪሰቶሳቴ ጊዴና ቲሚርቲያን፡ ሃ ሳዓ ሞዲያ አያናቱዋ ቲሚርቲያኒኔ፡ አሳፔ ዬዳ ኤራቴላን፡ ቃሲ ማላ ጨሙዋን ሂንቴንታ ኦኒኔ አሞዴና ማላ ናጌቴቴ። 9 አዪሲ ጎፔ፡ ኪሪሰቶሳ አሳቴላ ቦላን ያሳቴላ ሜዴታ ኩሜንላይ ደዔ። 10 ቃሲ ኡባ አያናቱዋ ካፖቴላዉኔ ጎዳቴላው ኡባው ሁጵ ጊዲያ ኪሪሰቶሳቴ ኩሜንላ ደዑዋ ደሚዲታ።

11 ሂንቴንቱ ኪሪሰቶሳና ኢቲ አሳ ማላ ጊዲዳ፡ አሳ ቃፃራ ማላ ጊዴናን፡ ሂንቴንቱ ናጋራንቻ ሜዴታ ዲጊያ ቃፃራ፡ ሃዋካ አሹዋ ቃፃራ ጊዴናን ኪሪሰቶሲ ኦጶዳዋ። 12 ሂንቴንቱ ፃማቄቴዳ ዋዴ፡ ኪሪሰቶሳና ሞጌቲዴ፡ ኪሪሰቶሳ ሃዪቁዋፔ ዴንጮዳ ያሳ ዋልቃ አማኔዳ ዲራው፡ ኦራላ ደዑዋሲ ዪንቃታን ኪሪሰቶሳና ኢቲፔ ዴንዳዲታ።

13 ሂንቴንቱ ሂንቴንቱ ናቁዋኒኔ ሂንቴንቱ ኤጫ አሳቴላ ቃፃሬቴናን አጌዳዋን ሃዪቁዴ ደዒያ ዋዴ፡ ያሳይ ሂንቴንቱ ናቁዋ አቶ ጊዴ፡ ኪሪሰቶሳና ሂንቴንታ ፓፃ ዋጮዴ። 14 ኦና ኢዪያ፡ አጩዋ ፓራማ አ ጫቁዋና ኢቲፔ ያሳይ ዳኬዳ፤ ማሰቃሊያ ቦላን ጲሺዴ፡ ኦጊያፔ ዲጌዳ። 15 ኪሪሰቶሲ ሄ ማሰቃሊያን ካፓቱዋፔኔ ጎዳቱዋፔ ዋልቃ ዋሊ አኪዴ፡ ባሬ ያኑዋኔ አሞዴቴዳዋንታ ቆንጨያን ቤሴዳ።

16 ሄዋ ዲራው፡ ሙሳን ዋይ ኡሻን፡ ባላ ጋላሳ ዋይ አጌናይ ዪሪያ ዋዲያ ቦንቺያዋን፡ ዋይ ሳሞባታ ቦንቺያዋን፡ ኦኒኔ ሂንቴንቱ ቦላ ፐርዶፖ። 17 ሃዋንቱ ሲንላፔ ያና ዬዋቱዋሲ ኤሹዋ፤

ሺን ቱማቴላይ ኪሪሰቶሳዎ። 18 ዋርዲዎ አሺኬ ማላታናውኔ ከታንቻው ጎዱናናው ኮዪያዌ፣ ቤዲቤናዎ ሳፃን ቤዲ ጊዴ ኦቶሪቲያዌ፣ አሳቴላ ቆፋን ጮ አዪያዌ፣ ኦኒኔ ሂንቴንቴ ቦላ ፐርደፖ። 19 ሄዎ ማላ አሳይ ሁጼ ጊዲያ ኪሪሰቶሳ ሚኒሲ ኦይቄዳዎ ለፒሴ። ቦላ ኡባይ ሄ ሁጲያፔ ዎልቃ ዴሚዴ፣ ቦላን ዴዲያ ኩሪያናኔ ፃጶዎና ኢቲፔ ኦይቄቲዴ፣ ፆሳይ ዲቺያ ዲሹዎዳን ዲጩ።

ሃይቁዋንካ ፓፃንካ ኪሪሰቶሳና ዴዲያዎ

20-21 ሂንቴንቴ ሃ ሳዓ ዎዲያ አያናቱዎፔ ሃኪዴ፣ ኪሪሰቶሳና ሃይቁዲታ፤ ያቲና፣ አዪሲ ሃ ሳዓ ዎጋን ዴዲያ አሳዳን ዴዲቴ? «ኦይቆፓ፤ ባራ ቤፆፓ፤ ቦቾፓ» ያጊያ ሂጌቶ አዪሲ አዛዜቲቴ? 22 ሃ ኡባባይካ አሳይ ሜዴዳ ሂጌኔ ቲሚርቲ ጊዲያ ዲራው፣ ዎዲያፔ ጉዪያን ጳያና። 23 ኡንቴንቴ ከታንቻው ጎዪኒያዎኒኔ ዎርዲዎ አሺኬ ማላቲያዎን ቃሲ ባሬንቴ አሳቴላ ጊልቂሲያዎን አዴዳ ኤራንቻ ማላቲኖ፤ ሺን አሹዎ አሙዎ ዲጋናው ጎዔና።

3

1 ሲሚ ሂንቴንቴ ኪሪሰቶሳና ሃይቁዎፔ ዴንዴዳዎ ጊደፔ፣ ፆሳፔ ኡሼቻ ባጋና ኡቲዳ ኪሪሰቶሲ ዴዲያሳን ሳሉዎን ዴዲያዎ ሚኒሲ ኮዪቴ። 2 ሳሉዎን ዴዲያዎ ሂንቴንቴ ቆፓናፔ አቲን፣ ሳዓን ዴዲያዎ ቆፖፐቴ። 3 አዪሲ ጎፔ፣ ሂንቴንቴ ሃይቁዲታ፤ ቃሲ ሂንቴንቴ ሼዎፑ ፆሳን ኪሪሰቶሳና ጌሜዳ። 4 ሂንቴው ዴፆ ጊዴዳ ኪሪሰቶሲ ቆንጨያ ዎዴ፣ ሄ ዎዴ ሂንቴካ አናና ቦንቹዎን ቆንጫና።

ኤጫኔ ኦራላ ዴዑዎ

5 ሄዎ ዲራው፣ ሂንቴንቴን ዴዲያ ሃ ሳዓ አዎቱዎ ዎዲቴ፤ ሄዎንቴካ ዎሹሚያዎ፣ ቱናቲላ፣ ዎሹማናው ኮዪያዎ፣ ኢታ አሙዎ፣ ሚሻ አዎቲያዎ። ዮራንቻ ጊዲሳይ ኤቃው ጎዪኒያዎፔ ዲማቴና። 6 ሃዎንቴ ጋሱዎን፣ ፆሳይ አዛዜቴና አሳቴዎ ሃንቄታናዎ። 7 ካሴ ሂንቴንቴ ሃ ኢታ ቆፋቲዎን ዴዲያ ዎዴ ኡንቴንቴን ዎዴቲዲታ።

8 ሺን ሃዲ ሂንቴንቴ ቃሲ ሃንቁዎ፣ ዪሉዎ፣ ኢፀዎ፣ ሂንቴንቴ ደናፔ ኬሲያ ጫሻኔ ዬላዪያ ሃሳያ ሃዎንታ ኡባ ሂንቴፔ ጳዪሲቴ። 9 ኢቲ ኢቶ ዎርደቶፐቴ፤ አዪሲ ጎፔ፣ ናጋራንቻ ሜዴታ አ ኦሱዎና ሂንቴፔ ጳዪሲ ዲጊዴ፣ 10 ፆሳይ፣ አ ሜዴዳዌ፣ ባሬና

ማላቲሳናውኔ ባሬው ዲዲያ ኤራቴላ ኡባ ኢማናው፡ ኡባ ዋዴ ኦራሲያ ኦራሳ ሜዴታ ማዬዲታ። 11 ሃ ኦራሳ ሜዴታገ፡ ጌሪኬ ኣሳ ዋይ ኣዩሁዳ ኣሳ፡ ቃፃሬቴዳዋ ዋይ ቃፃሬቴቤናዋ፡ ኢማላቲዋኔ ኣይኔ ታማሪቤናዋ፡ ኣዩሊያ ዋይ ዋማኑዋ ጊዴ ሻኪያባይ ባዋ፤ ሁጹ ኣላሊ ኪሪሰቶሳ፤ ኢ ኡባንካ ዴዔ።

12 ሃዋ ዲራው፡ ያሳይ ዶሪዳዋንቴዳን፡ ጌሻኔ ሲቂያዋንታ ጊዲዴ፡ ማሮቴላ፡ ቃሬታ፡ ኬካቴላ፡ ሂንቴንቴ ሁጹያ ካወሺያዋ፡ ኣሺኬቴላኔ ዳንዳያ ማዩቴ። 13 ኢቲ ኢቲዋዋ ዳንዳዩቴ፤ ኦኒኔ ባሬ ላጊያ ቦላ ሃንቄቴዳዋ ዴፖፕ፡ ኢቲ ኢቶ ኣቶ ያገ፡ ኪሪሰቶሲ ሂንቴንቶ ኣቶ ጊዳዋዳን፡ ሂንቴካ ኣቶ ጊቴ። 14 ሃዋ ኡባ ቦላ፡ ኡባባ ኢቲፕ ሺሺ ቃቺያ ሲቁዋ ማዩቴ። 15 ኪሪሰቶሲ ኢሚያ ሳርቴላይ ሂንቴንታ ሞዶ፤ ኣዩሲ ጎፕ፡ ያሳይ ሂንቴንታ ኢቲ ኣሳ ኡዲዴ፡ ሃ ሳርቴላው ዪሴዳ ያሳ ጋላቲቴ።

16 ኪሪሰቶሳ ቃላይ ሂንቴንቴ ዋዛናን ኩሚዴ ዴፖ፤ ሂንቴንቶ ዴዲያ ኣዴዳ ኤራቴላ ኡባን ኢቲ ኢቲዋ ታማሪሲቴኔ ዘሪቴ፤ ሂንቴንቴ ዋዛናን ያሳ ጋላቲዴ፡ ዋሳኔ ማዚሙሪያ፡ ያሳ ሱንሳ ቶቁ ኦሲያ ዬላ ዬፂቴ። 17 ሂንቴ ኣይ ሃሳዩያዋ ዋይ ኣይ ኦሲያዋ ጊዶፕካ፡ ኣወዋ ያሳ ዬሱሳ ባጋና ጋላቲዴ፡ ኦሲያዋ ኡባ ጎዳ ዬሱሳ ሱንሳን ኦሲቴ።

ኣማኒያ ኣሳቲዋ ጎሌን ዴዳናው ቤሲያ ዎጋ

18 ማቼቶ፡ ኣማኒያ ኣሳው ቤሲያዋዳን፡ ሂንቴንቴ ኣሲናው ሞዴቲቴ።

19 ኣቲማ ኣሳቶ፡ ሂንቴንቴ ማጫ ኣሳ ሲቂቴ፤ ኡንቴንቴና ዎፑ ጊዴ ዴዲቴ።

20 ናቶ፡ ሂንቴንታ ዬሌዳዋንቶ ኡባባኒ ኣዛዘቴቴ። ኣዩሲ ጎፕ፡ ሂንቴንቴ ኡንቴንቶ ኣዛዘቴያዋ ያሳ ዳሮ ናሼቼ።

21 ኣዋቶ፡ ሂንቴንቴ ናናይ ዋዛና ባዬና ማላ፡ ኡንቴንታ ዩሎዮፕቴ።

22 ኣዩሌቶ፡ ሳዓን ሂንቴንቶ ጎዳ ጊዲያዋንቶ ኡባባኒ ኣዛዘቴቴ፤ ጎዳው ያዩዴ፡ ሱሬ ዋዛናን ኦሲቴፕ ኣቲን፡ ኣሳ ናሺቻናውኔ ኣሳይ ቤፖ ጊያዋን ኣዛዘቴያዋንታ ጊዶፕቴ።

23 ሂንቴ ኦሲያ ኦሱ ኡባ ኣሳው ጊዴናን ጎዳው ኦሲያዋዳን፡ ዋዛናፕ ኦሲቴ። 24 ጎዳ ኪሪሰቶሳው ሂንቴንቴ ኦሲያ ዲራው፡ ኢ ባሬዋንቶ ኢማናው ጊሲሲ ዋሌዳዋ ሂንቴንቴ ላታናዋ ኣኬኪቴ።

3:10 ዶዎ 1:26፤ ኤፌ 4:24 3:16 ኤፌ 5:19-20 3:18 ኤፌ 5:22፤
1ጵፅ 3:1 3:19 ኤፌ 5:25፤ 1ጵፅ 3:7 3:20 ኤፌ 6:1 3:21 ኤፌ
6:4 3:22 ኤፌ 6:5-8

25 ባለባ ኦሌዳ ኡራይ ኦኒኔ፣ ባሬ ኦሌዳ ባላዳን ዋይታ ኣካና፤ ኣደሲ ጎፔ፣ ያሳይ ፒርዲዴ፣ ኦናኔ ማዴና።

4

1 ጎዳቶ፣ ሂንቴወካ ሳሉዋን ጎዳይ ዴዲያዋ ኤሪዴ፣ ሂንቴንቱ ኣደሌቶ ዲሎቴላኒኔ ሱሬቴላን ኮሺያዋ ኦሊቴ።

ዘሪያ

2 ያሳ ኣጌናን ዋሲቴ፤ ቃሲ ዋሲዴ ኣዘሌናን፣ ኣ ጋላቲዴ ዋሲቴ።
3 ቃሲ ሂንቴንቱ ዋሲያ ዋዴ ኡባን፣ ካሴዴፔ ኣሳው ቆንጨቤናዋ፣ ኪሪሰቶሳዋ ኦኒ ኦዳና ማላ፣ ያሳይ ኦሲ ኢንጂያናዳን፣ ኦሲካ ያሳ ዋሲቴ፤ ኣደሲ ጎፔ፣ ሃዲ ታኒ ቃሾ ጎሊያን ዴዲያዋ ሄዋሳ።
4 ቃሲካ ታኒ ቤሲያዋ ኮና ቆንጨሳዴ ሃ ዬወዋ ኦዳና ማላ፣ ታው ያሳ ዋሲቴ።

5 ሂንቴው ዴዲያ ዋዲያ ጎዲ ባዩናሳን ጳዩሴናን፣ ኣማኔናዋንቱ ማታን ጨንጫቴላን ዴዲቴ። 6 ሂንቴንቱ ኣሳ ኡባው ዋቲ ዘራናው ቤሲንቶ ኤራና ማላ፣ ሂንቴንቱ ሃሳያይ ኡባ ዋዴ፣ ሲሳናው ሎዲያዋ ናሽቴያዋ ጊዳናው ቤሴ።

ወርሴላ ሳርታ

7 ኦ ሲቆ ኢሻይ ቲኪቆሲ፣ ታናና ኢቲፔ ጎዳ ኦሱዋን ቆማ ጊዴዳ ኣማኔቲያ ኦሳንቻይ፣ ታ ዴዑዋባ ሂንቴንታ ኤሪሳና። 8 ታኒ ኣ ሂንቴኮ ኪቲያዌ፣ ኦኒ ዋኒ ዴዲንቶ ሂንቴንቶ ኢ ኦዲዴ፣ ሂንቴንታ ማንሌላና ዲራሳ። 9 ኣናሲዋሲ፣ ኣማኔቲያ ሲቆ ኢሻይ፣ ሂንቴንቱ ጋዴዌ፣ ኣናና ኢቲፔ ሂንቴኮ ቤ፤ ኡንቱንቱ ሃዋን ሃኒያ ኡባባ ሂንቴንታ ኤሪሳና።

10 ታናና ቃሹዋን ዴዲያ ኣሪሰዲሮኮሲኔ ባርናባሳው ኣወዋ ጊዴዳ ማርቆሲ ሂንቴንታ ሳርቲኖ፤ ታኒ ሂንቴንታ ካሴ ኣዘዜዳዋዳን፣ ማርቆሲ ሂንቴኮ ቦፔ፣ ዋዛናፔ ኣ ሞኪቴ።

11 ዮሰያሳ ጊያ ዬሱሲካ ሂንቴንታ ሳር ሳር ጌ፤ ኣዩሁዳ ኣሳቱዋፔ ታናና ያሳ ካወቲላው ኦሊያዌ፣ ሃ ሄዙ ኣሳቱዋፔ ሃራይ ባዋ፤ ሃዋንቱ ታና ዳር ማዴዲኖ።

12 ኤፓፊሪ፣ ሂንቴንቱ ጋዴዌ፣ ኪሪሰቶሲ ዬሱሳ ቆማይ፣ ሂንቴንታ ሳር ሳር ጌ። ኢ ሂንቴንቱ ያሳን ማኒዴ ኤቃናዲኒኔ ያሳይ ኮዩያዌ ኡባይ ኣዬንቶ ኤሪዴ፣ ፖሊ ኣማናናዳን፣ ኡባ ዋዴ

3:25 ዛር 10:17፤ ኤፌ 6:9 4:9 ፒሞ 10-12 4:10 ኪት 19:29፤
27:2፤ ፒሞ 24፤ ኪት 12:12፣ 25፤ 13:13፤ 15:37-39

ጾሳ ሚኒሲ ዋሴ። 13 አዩሲ ጎፔ፣ ኢ ሂንቴንቶ፣ ሎዶቂያ አሳውኔ ሂራፖሊሳ ጊያ ካታማ አሳው ዳሮ ዳቡሪያዋ ታኒ ማርካታይ።

14 ኑ ሲቆ ዶቶሪ ሉቃሲኔ ዳማሲ ሂንቴንታ ሳሮ ዳዒቴ ያገኛ።

15 ሎዶቂያን ዳዒያ ኑ ኢሻቶኔ ኒምፒው ቃሲ ኢዚ ጎሊያን ሺቂያ አማኒያ አሳቶ ኑ ሳሮታ ኦዲቴ።

16 ሃ ዳቢዳቢያ ሂንቴንቱ ናባቤዳዋፔ ጉዩያን፣ ሎዶቂያ አማኒያዋንቶካ ናባቢሲቴ፤ ሂንቴካ ሎዶቂያ አማኒያዋንቱካ ሂንቴንቶ ዩዲያ ዳቢዳቢያ ናባቢቴ። 17 ቃሲ አርኪፖሳው፣ «ጎዳይ ኔው ኢሜዳ ኦሱዋ ፖላናዋ ዶጎፓ» ያገዴ ኦዲቴ።

18 ታኒ ጳውሎሲ፣ ታ ኩሺያን ሳሮታ ፃፊዳዋ ሃዋ ቤዒቴ፤ ታኒ ቃሹዋን ዳዒያዋ ዶጎፒቴ።

ጾሳ አጼ ከካቴላይ ሂንቴንቱና ጊዶ።

Ooratha Caaquwaa New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source
files dated 29 Jan 2022
585b63ca-b8e6-55c8-bfef-10bdc95ad69c